

QVÆST. XL.

An homo Christianus, adscitus in susceptorem seu ἀνὰ δόξαν infantis ab aliquo, possit se adungere consusceptoribus, si in illorum numero sit persona, vel in doctrina vel in notorio peccato culpabilis?

1. Considerarem an talis susceptor & compater imbutus esset prava aliqua opinione, vel de sacramentis, vel de Articulo aliquo fidei, vel an sit notoriè sceleratus impœnitens, ne ob causas non necessarias moverem contentiones.

2. Vellem admonere Pastorem baptizaturum infantem, ut is juxta Ecclesiæ consuetudinem faceret officium suum, privatim & seorsim hominem admonendo.

3. Si hoc non fieret, tunc vellem cum illo consusceptore loqui prius, & illius mentem cognoscere, & si intelligerem, ipsum suam impietatem fateri, & in ea sine pœnitentia perseveraturum, vellem & pastori & ipsi indicare causas, quare non possem in conspectu Dei cum tali socio apparere, in negotio omnium maximo.

4. Si vel negaret, vel emendationem promitteret, protestari de ipsius præsentia vellem. *Chemnitius.*

CAPUT XV.

DE SACRAMENTO S. COENÆ.

Alterum Ecclesiæ Christianæ Sacramentum Cœna Domini cum sit, itidemq; mysteriorum divinorum dispensatoribus commissum de eo immediato ordine ut agatur, necessarium est,

SE